



1625_0002.jpg



1625_0003.jpg




Histoire de nostre temps. 3

à la rencontre de ce saint An du Iubilé : En ce temps là on faisoit intermission du penible travail de labourer la terre, maintenant vn chacun quirtant son travail ordinaire, moissonne les fruiets en tres-grande abondance que les merites de nostre Seigneur Iesus-Christ, de la sainte Vierge Mere de Dieu, & de tous les Saints ont rapporté. En ce mesme temps on recouroit les terres & possessions vendues & aliénées & passées en main estrangere : maintenant par la main liberale de la Misericorde de Dieu nous receuons les vertus, les dons & les merites desquels iustement nous sommes depossédez par le peché : Alors les bannis estoient rappelez pour reuenir en leur pays : maintenant le chemin du Ciel nous est monstré & ouuert, d'où estant chassés & bannis nous cheminons miserablement à pas perdus en ceste vallée de larmes. Vous donc Princes Catholiques, qui estes obligés d'un lien plus estroit que tous les autres à l'aduancement & exaltation de la Religion Chrestienne, pour tant de marques des prerogatiues d'honneur que vous portez : Et vous aussi tous tant que vous estes de seruiteurs fidelles de Iesus-Christ, que l'Eglise Romaine couue comme vne bonne mere en son giron : c'est vous, dis-je, que nous appellons & inuitons par la charité paternelle qui nous y presse, à la tres-joyeuse celebration de ce saint & sacré Iubilé ; & pour cest effect haussant nostre voix, comme vne trompette, nous adressons à vous ces Oracles des Prophetes, & crions tant que nous pouuons : Escoutez ces choses,

A ij

1625_0004.jpg



1625_0005.jpg


Histoire de nostre temps.

5

le Seigneur en son saint Tabernacle. C'est icy, nos tres-amez enfans, que vous publierez vostre vraye confession à Dieu en la grande Eglise, vous le louerez en l'assistance d'un peuple honorable & d'eslite, d'autant que c'est ce-
ste Eglise maistresse de toutes les autres, le pre-
mier Siege de la Religion Catholique, la mere
des fideles, le chef de tout le monde, le puiot
del'Estat. C'est donc icy que vous tirerez, non
des petits ruisseaux les benedictions du Ciel,
dont vous estes alterez, mais vous puiserez avec
plaisir & ioye les eaux des fontaines du Sei-
gneur, c'est à dire, des eaux tres-salutaires, les-
quelles vous n'aurez si tost auallées, que l'on
verra soudre en vous vne fontaine d'eau viue
pour vous guinder à la vie eternelle. Ce que
considerans & souhaitans, à l'imitation des
Papes nos predecesseurs, continuans leur des-
sein plein de pieté & tres-profitable, de l'aduis
de nos venerables Freres les Cardinaux du S.
Siege Apostolique de l'Eglise Romaine, de l'au-
thorité de Dieu tout-puissant, & des bien-heu-
reux Apostres S. Pierre & S. Paul, & de la no-
stre, avec toute la resiouyffance que nous pou-
uons receuoir en nostre ame, à la gloire de
Dieu, & à l'exaltation de l'Eglise Catholique,
Nous publions & annonçons la celebration du
Iubilé à l'An prochain que l'on comptera mil
six cents vingt cinq, à commencer aux pre-
mieres Vespres de la veille de la Natiuité de no-
stre Seigneur Iesus Christ prochainement ve-
nant, iusques tout du long de l'année, avec la-
quelle il finira. Durant lequel An du Iubilé,

A iij

1625_0006.jpg



6 *M. DC. XXV.*
 nous donnons & oestroyons par misericorde
 au nom du Seigneur pleniére & entiere indul-
 gence, pardon & remission de tous leurs pe-
 chez à tous fideles Chrestiens de l'un & l'autre
 sexe, vrais penitens & confessez, lesquels
 au moins vne fois le iour, l'espace de trente
 iours continuels ou interposez, s'ils sont Bour-
 geois Romains ou habitans de la ville; & s'ils
 sont estrangers, ou autrement forains, l'espace
 de quinze iours tout au moins, visiteront de-
 uotement l'Eglise de S. Iean de Latran, & cel-
 les des bien-heureux Apostres S. Pierre & S.
 Paul, & de sainte Marie Major de la ville, &
 feront deuotes prieres à Dieu pour le salut des
 fideles & de tous les peuples Chrestiens. Et
 d'autant qu'il peut arriuer que parmy ceux qui
 se feront mis en chemin pour cest effect, ou se-
 ront venus iusques à la ville de Rome, il s'en
 trouue quelques-vns, lesquels pour l'empes-
 chement surueni, ou durant leur voyage, ou en
 la ville mesme, à cause de maladie, ou autre cau-
 se legitime, ou mesme preuenus de mort auant
 qu'auoir accompli le nombre limité des iours
 susdits, ou ne l'ayant mesme commencé, à ceste
 occasion n'ayent eu le moyen de mettre à en-
 tiere execution toutes les choses susdites, ny
 mesme visiter ladite Eglise & autres, en ce desir-
 rans secourir fauorablement leur deuote inten-
 tion & prompte volonté, Voulons & enten-
 dons que ceux d'entr'eux qui auront esté vray-
 penitens & confessez soient participans des
 dites Indulgences & remissions, tout ainsi que
 si reellement & de faict ils eussent visité ladite

1625_0007.jpg


Histoire de nostre temps.

7

Eglise, & autres mentionnées aux iours par nous ordonnez. Quant à vous nos Freres venerables Patriarches, Primats, Archeuesques & Euesques, ordonnez pour porter vne part de nostre soin & charge, prenez les trompettes d'argent desquelles on se sert pendant le Iubilé; adjoustez la Predication de la parole de Dieu, & annoncez aux peuples vne grande resjouissance, afin qu'ils soient sanctifiez, & moyennant la grace de Dieu preparez pour recevoir les dons celestes, lesquels Dieu, dispensateur de tous biens, a ordonné à ses enfans bien aymez, par l'entremise & ministere de nostre humilité. Pour participer à ces presens du Ciel en ceste ville, appelez les troupes, assemblez le peuple, sanctifiez l'Eglise, enseignez les oüailles qui vous ont esté baillées en garde sous vostre foy, d'autant que nous sommes Pelerins & estrangers en ceste vie, & nous n'auons point de cité permanente en ce bas sejour, mais nous en cherchons pour l'aduenir. Si iamais vous auez enseigné tout le monde, c'est à ceste heure principalement que vous le deuez faire, à ce qu'ils ayent pour l'amour de Iesus Christ à déposer toute colere, débats, querelles, disputes, contentions & haines inueterées: que c'est sur tout en ce temps qu'il faut despouiller toute sensualité, & esuiter les ordures de la chair, pour mundifier & nettoyer le Temple de Dieu, & qu'un chacun maintienne ses membres en honneur & sanctification, & qu'il porte Dieu en son corps. Enseignés leur aussi maintenant qu'il faut auoir le mal en detestation, & qu'il

A iiii

1625_0008.jpg



8 M. DC. XXV.

faut faire en sorte que personne n'abuse du
nom de Chrestien. Remonstrez qu'en vain
pourroit-on esperer gagner les thresors sacrez
des Indulgences, sinon ceux qui d'un cœur
contrit & humilié s'efforceront de s'y preparer
& faire les actes & exercices d'un vray Chre-
stien. Pour le regard de ceux qui affluent en
moyens & richesses, qu'ils ouurent leurs en-
traïlles, & qu'ils soulagent la pauvereté de leurs
freres indigens & necessiteux, & sur tout qu'ils
se monstrent charitables & misericordieux à
l'endroit de ceux qui viennent en pelerinage à
Rome, qu'ils renouellent & pratiquent la
sainte Hospitalité d'un esprit plein de gayeté,
à laquelle Dieu se plaist tant, & que les plus an-
ciens Chrestiens ont en toute diligence em-
brassée & chérie, mesme au milieu des bouras-
ques des persecutions, & qu'ils se facent des
amis des richesses mal acquises pour auoir en-
trée aux Tabernacles eternels. Admonestrez
aussi tous en general qu'ils prient Dieu pour les
Roys & Princes Chrestiens, afin que nous pas-
sions en paix & repos le temps de nostre vie, &
que la concorde soit tousiours entretenuë. Bref,
enseignez les quand ils auront entrepris ce
voyage saint, en quelle modestie, quelle deu-
tion, qu'elle obseruance de l'amour & de la
paix fraternelle, ils se doiuent comporter, afin
qu'en tout lieu ils portent la bonne odeur de
Iesus Christ. Vous pareillement, nos Freres
venerables, monstrez vous, comme tout vo-
stre Clergé, l'exemple & le miroir des bonnes
œuvres, parroissant sur tous autres, pour ser-


1625_0009.jpg

Histoire de nostre temps.

9

uir de Patron à tout vostre troupeau, afin que tous les autres soient comme assaisonnez du sel de vostre vertu & pieté, qu'ils ayent en horreur toute infection & pourriture de peché : en somme nous montrans accords & vnanimés en vn esprit de charité Chrestienne & en toute sainteté & iustice nous rendions le seruice à Dieu. Nous exhortons aussi & prions au nom du Seigneur nos tres-chers fils en Iesus-Christ l'Empereur créé par election, les Roys & tous les Princes Catholiques, afin que d'autant plus qu'ils ont receu de biens & de plus nobles prerogatiues d'honneur de la part de celuy par la grace duquel les Roys regnent, d'autant aussi d'une plus ardante affection, comme de raison, ils soient poussez du zele de pieté & deuotion à maintenir & promouuoir la gloire de Dieu : & sur tout qu'ils prestent la main au soin, à la diligence & vigilance pastorale de nos Freres Euesques & souuerains Prelats, & qu'ils chargent leurs Officiers & Magistrats, & autres leurs Ministres, de leur donner tout secours, afin que la licence des meschants soit retenüe, & les deuotions des bons soient maintenuës par leur puissance & faueur royale: Mais que principalement ils exercent leur charité & liberalité enuers les Pelerins, & qu'ils donnent ordre à ce qu'ils y voyagent en seureté par les chemins, sans estre en danger d'encourir aucun destourbier par les courses & traueses des hommes perdus & licentiez à tout mal: & que plustost ayans esté amiablement receus aux Hospitaux, Maisons de Dieu, &

1625_0010.jpg



1625_0011.jpg

Histoire de nostre temps.

II

Rome à S. Pierre l'an de l'Incarnation de nostre Seigneur 1624. le 29. Auril, l'an premier de nostre Pontificat. I. DAT. FANTINVS RENTIVS. Registrée au Secretariat des Breuets. A. GAILLOT.

L'an de la Natiuité de nostre Seigneur 1624. Indict. 7. le 17. May, & le premier du Pontificat de nostre tres-sainct Pere le Pape Urbain VIII. les Lettres & Bulle Apostolique cy-dessus transcrites, ont esté leuës & publiées à l'entrée de l'Eglise du Prince des Apostres de la ville, par moy sous-signé Abbreniateur de Cour. AVGVSTIN HVRAND, Abbreniateur de Cour.

L'an de nostre seigneur 1624. Indict. 7. le 17. de May, & le premier du Pontificat de nostre tres-sainct Pere le Pape Urbain VIII. les susdites Lettres & Bulle Apostolique ont esté publiées & affichées aux portes des Eglises de S. Iean de Latran, du Prince des Apostres de la ville, & de la Chancellerie Apostolique, & à la pointe du champ de Flore, ayans esté aux mesmes endroicts l'espace de quelque temps les originaux desdites Lettres attachez & delaissez, & depuis ostez, & les coppies d'icelles delaisées à l'accoustumée, par moy Camill Fondat & Brandimarte Latin, Couriers de nostredit saint Pere. OCTAVIVS SPADA, grand Courrier.

A Rome de l'Imprimerie de la Reuerende Chambre Apostolique, 1624.

Voilà la Bulle de la Celebration du Iubilé à Rome, & voicy celle de la surseance & suspension de toutes autres Indulgen-ces.

Image issue du site mercurefrancois.ehess.fr - Cliché (c) Cécile Soudan